

*Lepanthes pensilis* Schltr., nov. spec.

Epiphytica, pensilis, elongata, c. 30—40 cm longa; radicibus filiformibus, flexuosis, glabris; rhizomate elongato, cauliformi, flexuoso, pensili, filiformi, vix 0,75 mm crassitudine excedente, vaginis pallidis, amplectentibus, ostio truncato paululo ampliatis obtecto; caulibus perbrevibus rhizomati accumbentibus, c. 5 mm longis, 1—1,3 cm inter se distantibus, vagina pallida amplectente, ostio truncato paululo ampliata omnino obtectis, unifoliatis; folio lanceolato-ligulato, obtusiusculo basin versus sensim subpetiolato-angustato, carnosulo, 2—2,5 cm longo, medio vel infra medium 3,5—5 mm lato; racemis singulis adscendentibus, laxe 4—7-floris, folium vulgo paulo excedentibus, secundis; bracteis cucullato-ovatis, breviter acuminatis, pedicello ovarii paulo brevioribus; floribus parvulis, ut videtur albidis, roseo-suffusis, tenuibus, haud valde apertis; sepalis ovato-oblongis, 3-nerviis, vix 4 mm longis, intermedio obtusiusculo, lateralibus obliquis, margine exteriori minute papilloso-ciliolatis, oblique et perbreviter acuminatis, extus nervo medio altius carinatis; petalis oblique oblongo-ligulatis, obtusis, uninerviis, subpatentibus, 1 mm longis, glabris; labelli ungue brevi, columnae faciei omnino adnato, lamina carnosula, subtus carinata, ovata, peralte cordata, auriculis falcato-oblongis columnam amplectentibus, margine minute et densius papilloso-ciliolatis, obtusis, auriculis inclusis 3 mm longa, supra basin 2,5 mm lata; columna gracili erecta, 2,5 mm longa, clinandrio dorso ampliato, papilloso, rostello subulato, erecto; ovario pedicellato c. 2,5 mm longo, glabro.

Chimborazo: Riobamba, in montibus. — A. Mille.

Das Exemplar war vermischt mit anderen Riobamba-Pleurothallideen, welche ich 1913 von Herrn A. Mille erhielt. Die einzige Blüte zeigte die Struktur der Blüte vollkommen. Die Art ist schon habituell von den anderen recht verschieden.